

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 156 (11.467)

Баҳоси эркин нархда



«Мустақиллик биз учун —
ўзлгимизни англаш, юрт
тинчлиги ва барқарорлигининг,
инсон манфаати, эркинлиги ва
фаровонлигининг, биз кўзлаган
демократик жамият барпо
этишининг гаровидир»


ПОЙТАХТНИНГ БИР КУНИ

2200
ТАЙЁРЛАШ
ТОШКЕНТ

**Дарҳақиқат,
миллатимиз,
халқимизнинг бой
анъаналарино урф-
одатларини ўзида
муҳасам эта олган
ушбу ўзига хос
тадбирнинг ҳар бир
иштирокчиси
Маҳалла кунини
миллий
қадриятларимиз
байрами сифатида
эътироф этди, десак
хато қилмаймиз.**



Маҳалла куни МИЛЛИЙ ҚАДРИЯТЛАРИМИЗ БАЙРАМИ



Карнай-сурнай садолари бу кун одағта кўра етти маҳаллага эмас, балки пойтахтимизнинг барча маҳаллаларида акс садо бердики, буни ҳамшаҳарларимизнинг боғдан кенгача қадами узилмаганидан ҳам сезиш мумкин эди. Остонадан меҳмонларни камолотчилар таъзим айлаб, барчамизга бирдек қадри маҳалла байрами муборак бўлсин, дея кутиб олишлари ҳам барчага кўтаринкилик бахш этди.

Умуман олганда, Алишер Навоий номидаги Ўзбекистон Миллий боғи рамзий маънода маҳалла ҳаётининг бир кунини ўзида акс эттира олди десак, муболага бўлмайди. Бир томондан алла, лалар, «келин салом» байталари янгарди. Бошқа томондан ҳаммаси 50 метр баландликда, ўз маҳоратини намойиш этган дорбозлар, настрада эса беллашаётган полвонлар кўнгли эътиборини тортарди.

Бирок илк таассурот — кўёшимон ноннинг иссиқ тафти меҳмонларни «Нон сайли» томон чорларди. Бог марказида «Тошкентнон» бирлашмасининг ноивою қандолатчиларининг 500 дан зиёд турдаги маҳсулотлари кўргазмаси ташкил этилган. Дастурхонимиз кўркини таъминлаб

берувчи новвойлар кундалик ишига янада маҳорат билан ёндашиб, гўё санъат асарини яратишга ҳаракат қилганлари ва бунга аъло даражада эришган ҳам.

Навбат қовун сайлига... Мирзачўл, чиллаки, оби новот, қизил уруғ, босволди, жўрақанд — бирон бир ўзбекистонлик бу сўзларнинг маъносини суриштирмайди, чунки юртимизда етиштириладиган поллиз ўсимликлари, жумладан, лавзати билан тилни ёрайдиган қовун навларидан яши хабардор.

«Гуллар сайли»да эса бу сафар асосан хаваскор флористлар — «оқ халат» вакиллари қатнашди. «Табиат билан ҳамкорлик — саломатлик гарови» шioriга мос равишда шаҳримизнинг барча тиббиёт муассасалари ходимлари гулга бўлган қизиқшларини намойиш этдилар.

Нихоят, байрамнинг бош саҳнаси томон борамиз. Унинг атрофида шаҳримиздаги 474 та маҳалланинг ўзига хос кўргазмалари ташкил этилган. Қулоччилик, заргарлик, каштачилик билан шуғулланиб келаётган ҳунармандларнинг ижоди барчада катта қизиқиш уйғотди. Юсак дид билан жило берилган 11 та айвонларда оқсоқоллар, маҳаллалар

нинг обрў-эътиборли отахону онахонлари қизиқарли суҳбатлар оғушида. Саҳнада эса кетма-кет таниқли ва хаваскор хонандаларнинг маҳаллаларимиз, юртимиз, шаҳримиз ободлиги, гўзаллиги ҳақидаги куй ва қўшиқлари янграйди...

Маҳалла байрами бу ўзига хос сарҳисоб ҳамдир. Анъанага кўра, шу кун бир йил давомида фаолиятда эришган алоҳида ютуқлари эътиборга олинган ҳолда, кўплаб маҳалла фаоллари саккизта йўналиш бўйича ташкилотчилар томонидан рағбатлантирилди. Чунки, энг обод маҳалла номига «Шаллола», «Беҳқизор», «Бектемир» маҳаллалари сазовор бўлган бўлса, энг фаол яраштирилган комиссияси таркибиде Жомий номидаги, «Кўкча Оқтепа», Гани Аъзамов номидаги маҳалла фуқаролар йиғинлари тизими фаол деб топилди. Тошкент шаҳрининг 2200 йиллиги муносабати билан байрам доирасида биричи марта шаҳар ва маҳалла тарихи йўналиши бўйича совриндорлар ҳам аниқланди.

Дарҳақиқат, маҳалла байрами мана шундай қизиқарли сайиларга бой бўлди. Эътиборлиси, бу кунини шаҳримиз аҳолиси ва

меҳмонлари бир маҳалла бўлиб нишонлашди.

Михаил КИКТЕВ,
Юнус Ражабий номидаги маҳалла фуқаролар йиғини раиси:
— Касби-коримиз, миллатимиздан қатъи назар, ҳаммамиз маҳаллада яшаймиз. Бундай байрам давралари эса бизни янада қовуштиради, ҳамжихатликка ундайди. Маҳалла — катта бир оила, унинг аъзолари бир-бирини меҳр-муруватли, оқибатлидир. Шу боис маҳалла давлатнинг пойдевори ҳамдир. Унинг мустақамлиги эса булунги ва эртанги ҳаётимизнинг барқарорлигидир.

Мажид ҚОДИРОВ,
«Шаллола» маҳалла фуқаролар йиғини раиси:
— Давлатимиз раҳбари «Ободлик кўнглидан бошланади» дейдилар. Одамларнинг мана шундай ягона мақсад сари бошини қовуштириш биз, маҳалла фаолларининг асосий вазифаларидан биридир. Маҳалламизнинг энг обод гўша сифатида шаҳар бўйича голиб деб топилгани биз учун албатта қувонарли ҳол. Бу рағбат меҳнатимиз эвазига бўлсада, аммо олдимизда ҳали кўп қилинмаган ишларимиз бор.

(Давоми 4-бетда).

ТАНЛОВ ГОЛИБЛАРИ АНИҚЛАНДИ

Ўзбекистон Республикаси Президентининг 2008 йил 2 апрелда қабул қилинган «Тошкент шаҳрининг 2200 йиллигини нишонлашга тайёргарлик кўриш ва уни ўтказиш тўғрисида»ги Қарори асосида пойтахтимизда кенг кўламли қурилиш, реконструкция ва ободонлаштириш ишлари амалга оширилмоқда. Тошкент шаҳар ҳокимлиги ва «Экосан» экология ва саломатлик халқаро жамоатчилиги хайрия жамғармаси ҳамкорлигида «Тошкент экологияси: менинг уйим — шаҳар» шiori остидаги тадбирлар дастурининг амалга оширилиши ҳам шулар жумласидандир.

Ушбу дастурга мувофиқ, хусусий уй-жой мулкдорлари ширкатлари ўртасида «Менинг уйим — менинг шаҳрим» танлови, шунингдек, «Ободонлаштириш ва кўкаламзорлаштириш соҳасида энг намунали жамоа», «Энг яхши «Махсустрас» экипажи» ва «Энг намунали маданият ва истироҳат боғи» мавзусида турли танловлар ўтказилди. «Экосан» жамғармасида ушбу танловлар якунларига бағишланган учрашув бўлиб ўтди. Унда пойтахтимиздаги корхона ва ташкилотлар, республика жамоатчилиги билан ҳамкорлик раҳбарлари, хусусий уй-жой мулкдорлари ширкатлари ва маҳаллалар вакиллари иштирок этди.

Ғолиблар ҳар бир танлов учун ишлаб чиқилган мезонлар бўйича аниқланди. Ирригация хўжалигини сақлаш ва таъмирлаш ҳамда кўкаламзорлаштириш бўйича ихтисослашган бошқарма жамоаси ободонлаштириш ва кўкаламзорлаштириш соҳасида энг намунали деб топилди. Чилонзор туманидаги «Чин бахт сервис», Юнусобод туманидаги «Мустақил коммунал» ва Мирзо Улугбек туманидаги «Нурли коммунал сервис» хусусий уй-жой мулкдорлари ширкатлари «Менинг уйим — менинг шаҳрим» номинациясида голиб чиқди. «Махсустрас» унитар корхонасининг Учтепа бўлими экипажи «Махсустрас»нинг энг яхши экипажи деб эътироф этилди. «Энг намунали маданият ва истироҳат боғи» танловида Бобур номидаги маданият ва истироҳат боғи биринчи ўринни эгаллади.

Ғолиблар қимматли совға ва мукофотлар билан тақдирланди.

А.ИВАНОВА,
ЎЗА мухбири

МАМЛАКАТИМИЗДА

- Тошкент вилояти ҳокимлигида Ўзбекистон Республикаси Марказий сайлов комиссияси томонидан тасдиқланган «Ўзбекистон Республикаси Олий Мажлиси, Халқ депутатлари вилоят, туман ва шаҳар Кенгашлари сайловига тайёргарлик кўриш ва уни ўтказиш бўйича концепция»да белгиланган вазифалар муҳокамасига бағишланган семинар-йиғилиш бўлиб ўтди.
- Тошкентда Ўзбекистон Республикаси Марказий банки ва «Агробанк» акциядорлик тижорат банки билан ҳамкорликда деҳқон ва фермер хўжаликлари, агрофирмалар, қайта ишловчи корхоналарни молиявий жиҳатдан қўллаб-қувватлаш, уларнинг барқарор фаолияти ва экспорт салоҳиятини таъминлаш масалаларига бағишланган анжуман ўтказилди.
- Навоийда Фуқаролар йиғинлари раислари (оқсоқоллари) учун ўқув-семинар ташкил этилди.
- Жиззахда йўл ҳаракати хавфсизлиги хизмати ходимларининг республика кўрик-танлови бўлиб ўтди. Ушбу тадбирда Қорақалпоғистон Республикаси, вилоятлар ҳамда Тошкент шаҳар ИИБларининг йўл ҳаракати хавфсизлиги хизмати ходимлари ўзаро беллашдилар. Танловда Жиззах вилояти жамоаси голиб деб топилди.
- Қашқадарё вилояти Камаш туманида пишиқ гишт ишлаб чиқаришга ихтисослашган «Kambriks Maks» корхонаси иш бошлади. Ҳозирда бу ерда кунига 60 минг дона гишт тайёрланмоқда. Жорий йил охирига қадар корхонанинг 120 кишилик жамоаси 1,8 миллион сўмлик қурилиш хом ашёси ишлаб чиқариб, буюртмачиларга етказиб беришни мўлжалламоқда.
- «Ховосдон» акциядорлик жамияти Гулистон шаҳрида ун маҳсулотлари ишлаб чиқаришга мўлжалланган «Иссиқ нон» корхонасини ишга туширди. Ҳозирда корхонада тўйинтирилган ундан 40 га яқин турли нон маҳсулотлари ишлаб чиқариляпти. Янги корхона очилиши муносабати билан соҳа мутахассисларидан бир неча ўнлаб ёшлар иш билан таъминланди.

ЖАҲОНДА

- Мехикода Шимолий Америка давлатлари етакчиларининг саммити очилмоқда.
- Исроил ҳарбий ҳаво кучлари кеча Миср чегараси атрофи ва Ғазо секторидеги туннелларга ҳаводан зарба берди. Ҳар иккала давлат ўртасида юзага келган келишмовчиликлар туфайли Венесуэла Колумбияга имтиёзли тарзда берилган ёнилғи таъминотини тўхтатди.
- Япония гарбида кучли ёмғир натижасида ер кўчишлари юзага келди. Мазкур табиий офат оқибатида 9 киши ҳаётдан қўймоди, 10 нафар одам бедарак йўқолди.
- Колумбия шимолида жойлашган кўмир конларидан бирида бахтсиз ҳодиса содир бўлди. Бу ерда метан гази чиқиши натижасида портлаш юз берди. Фожиа саккиз кишининг умрига зомин бўлди, 5 нафар одам турли даражадаги тан жароҳатларини олди. Фалокатга қончиларнинг эътиборсизлиги сабаб бўлгани айтилмоқда.
- Вьетнам ҳукумати А/Н1N1 гриппи хавфи кучайганлиги сабабли Ханой шаҳридаги барча мактабларни ёпишга қарор қилди. Мамлакат Соғлиқни сақлаш вазирлиги маълумотларига кўра, айни пайтда ушбу гриппни юқтирганлар сони 1000 нафарга яқинлашган. Таъкидлаш жоизки, Вьетнамда янги ўқув йили 17 августдан бошланади.
- АҚШда кўнгилилар устида А/Н1N1 гриппига қарши янги вакцина синаш ишлари бошланди.
- Кеча Испаниянинг Майорка оролида кетма-кет иккита портлаш содир этилди. Портлашлар натижасида ҳеч ким жабрлангани йўқ. Ушбу террорчилик ҳаракатини амалга оширганликни ЭТА айирмачилар гуруҳи ўз зиммасига олди.
- Кеча Москвадаги очик сув ҳавзаси атрофида сув устида учувчи қўлбола воситаларнинг фестивали бўлиб ўтди. Унда хаваскорлар томонидан тайёрланган 31 та учадиган анжом иштирок этди.

**ҚИСКА
САТРАРДА**
Тошкент шаҳар ҳокимлигининг Аxbорот хизмати ва ўз мухбирларимиз хабарларидан.

- ✓ **ЎЗБЕКИСТОН** Хотин-қизлар қўмитаси ташаббуси билан фаол аёлларнинг бир гуруҳи Мустақиллик майдонига экскурсия қилишди ҳамда Мотамсаро она хайкали пойига гулчамбар кўйишди.
- ✓ **ЎЗБЕКИСТОН** Республикаси Бадий академиясининг марказий кўргазмалар залида расом Чоршанбиевнинг асарлари кўргазмаси ташкил этилди. Ушбу кўргазма 22 августгача давом этади.
- ✓ **БУТУН** шаҳримиздаги «Машинасозлар» маҳалласида «Гийвандлик ва соғлом турмуш тарзи» мавзусида ўтказилган маънавий-маърифий тадбирда маҳалла фаоллари, ёшлари ва шифокорлар иштирок этишди.
- ✓ **КЕЧА** Ҳамза туманидаги «Тенгдош» маданият уйи қошидаги «Сўғдиёна», «Қалдирғоч» рақс дасталари қатнашчилари Темурийлар тарихи Давлат музейига ҳамда Ўзбекистон тарихи Давлат музейига саёҳат қилишди.

МИЛЛИЙ ҚАДРИЯТЛАРИМИЗ БАЙРАМИ

(Давоми. Боши 1-бетда).

Жамолитдин ШОҲАКИМОВ,

«Маҳалла» жамғармаси шаҳар бўлими раиси:

— Ҳозирда Республикаимиз Мустақиллигининг 18 йиллиги ҳамда азим шаҳримизнинг 2200 йиллик тўйига қизгин тайёргарлик кетмоқда. Шубҳасиз, ушбу саналар ҳар бир ўзбекистонлик учун алоҳида мўътабар байрамлардир. Уларни кўтаринки кайфиятда муносиб кутиб олиш ҳар биримизнинг зиммамаздатидир. Бугунги кунда барча жабҳада яратувчанлик сезилаётган — янги бино ва иншоотлар барпо этилмоқда, боғлару хиёбонлар, кўчаларда ободончиликка йўғрилган сазой-ҳаракатларни кўриш мумкин. Бу борада маҳалланинг ўрни беқийёс, зеро, маҳалла ҳар биримизнинг кундалик ташвишимиз, орзу-умидимизни боғлайдиган қутлуғ даргоҳдир. Замонавий маҳалла — отабобларимиз мерос қилиб қолдирган қадриятларимизни ўз ичига олган, албатта. Шунинг ҳам алоҳида таъкидлаб ўтиш жоизки, фақат Истиқлол шарофати билан биз миллий анъаналаримиз, урф-одатларимизга риоя этиб, фар-

зандларимиз тарбиясига ҳам сингдириб бораётимиз. Юртбошимиз Мустақиллигимизнинг илк йилларидан бирини Обод маҳалла йили сифатида белгилар эканлар, агарда маҳаллаларимиз жамиятимиз ҳаётида муносиб ўринни эгалласа, агарда маҳаллаларимизда тинчлик ва хотиржамлик ҳукм сурса барча нарсага кучимиз ҳам, имкониятимиз ҳам етади, дея таъкидлаган эдилар. Бугун, ишончимиз комилки, маҳалла адолатпарварлик ва кучли фуқаролик жамияти сари одимлаб бораётган мустақил давлатимиз ҳаётида муносиб ўринни эгаллаб улгурди... Маҳалла байрами — янги замон шуқуҳи. Шу билан бирга, юқориди айтиб ўтилганидек, бизнинг қадриятларимиз ўз аксини топган байрамдир. Шукрки, қадим-қадимда ота-бобларимиз бошлаб берган урф-одатларимизни бугунги авлод давом эттириш имкониятига эга ва шубҳасиз, келажак авлоднинг турмуш тарзида ҳам бардавом бўлади.

Ильмира ЗАЙНУДИНОВА

СУРАТЛАРДА: «Маҳалла кўни» байрамидан лавҳалар Рашид Галиев олган суратлар



Спорт янгилклари

Таиланд пойтахти Бангкок шаҳрида ўтказилаётган жанговар яккакурашлар бўйича I Осиё ўйинларида юртимиз шарафини ҳимоя қилаётган спортчилар навбатдаги медалларни қўлга киритди.

НАВБАТДАГИ МЕДАЛЛАР

Мусобақа дастурига киритилган кураш бўйича 90 килограмм вазн тоифасида гиламга чиққан ўзбекистонлик жаҳон чемпиони Шерали Жўраевнинг маҳорати муҳлису мутахассисларни лол қолдирди. Тажрибали полвонимиз деярли барча учрашувларни, жумладан, ярим финалда Хитой Тайпейдан келган Чье Сянг Чанга қарши ўтказилган беллашувни ҳам муддатидан олдин якунлади.

Шерали Жўраев финалда ҳам чиройли усул ишлатиб, қозоғистонлик Руслан Абдуразоқов устидан соф галабага эришди ва мусобақанинг олтин медал билан тақдирланди.

Хотин-қизлар ўртасидаги кураш беллашувларида Гулмира Исмаева учинчи ўринга даъвогарлик қилмоқда.

Муайтайчиларимиз ҳам терма жамоамиз ҳисобига навбатдаги медалларни тақдим этди. Дунёнинг энг кучли муайтай усталаридан ҳисобланган ҳамюртимиз Мавлонбек Қаҳҳоров бу гал ҳам тенгсиз эканини исботлади. У лаослик Сатид Кеонитага қарши ўтказилган финал жангида рақибини 4:1 ҳисобида мағлубиятга учратиб, шоҳсупанинг энг юқори поғонасига кўтарилиди.

Муайтай бўйича мамлакатимиз терма жамоаси вакиллари Шерзод Шарипов ва Фирдавсий Холмуродов ҳам мураббийлар ишончини оқлаб, терма жамоамиз ҳисобига биттадан бронза медал келтирди.

Кикбоксинг беллашувларида иштирок этган тажрибали спортчимиз Алишер Абдуллаев флуконтант йўналиши бўйича 75 килограмм вазн тоифасида кумуш медалга сазовор бўлди.

Ўзбекистон учун янги спорт тури — пенчак силат мусобақаларида қатнашган ҳамюртларимиздан Жамолитдин Салимжонов ва Бахтиёр Норов ўз вазн тоифасида учинчи ўринни эгаллади. Моҳир каратэчимиз София Каспулатова ҳам Осиё ўйинларининг бронза медал билан тақдирланди.

Ўзбекистон терма жамоаси учта олтин, бешта кумуш ва ўн та бронза, жами ўн саккизта медал жамғарган ҳолда қирқдан зиёд мамлакат орасида кучли ўнликда бормоқда.

Зоҳир ТОШХҲАЕВ,
ЎЗА шарҳловчиси

ҚОСИМЖОНОВ — ХАЛҚАРО ТУРНИР СОВРИНДОРИ

Ўзбекистонлик халқаро гроссмейстер Рустам Қосимжонов Германиянинг Майнц шаҳридаги шахмат фестивали дастуридан жой олган «ORDIX Open» ва «FiNet Open» халқаро турнирларини ҳам муваффақиятли якунлади.

Етти юзга яқин шахматчи иштирок этган «ORDIX Open» турнирида Рустам Қосимжонов ўн бир имкониятдан саккиз очко жамғарди. Ҳамюртимиз олтига учрашувда рақибларини мот қилди ва тўрт мартаба дуранг ўйнади.

Рустам галабали одимларини «FiNet Open» да ҳам давом эттирди. Уч юз нафарга яқин шахматчи дона сурган мусобақада Рустам Қосимжонов ўн битта партия ўйин ўтказиб, жами тўққиз очко жамғарди ва шунча очкога эга бўлган америкалик Гата Камский билан бирга иккинчи поғонадан жой олди.

Рустам Қосимжонов «FiNet Open» турнирида мезбон шахматчилар Винсент Бремер, Жозеф Генг, Леонид Милов, литвалек Викториа

Кмилите, латвиялик Виестурс Мейжерс, франциялик Андрей Соколов, россиялик Константин Ланда ва америкалик Гата Камскийни мағлубиятга учратди, венгриялик Адам Хорват ҳамда хорватиялик Богдан Лалич билан дуранг ўйнади.

Энди Рустам Қосимжонов жорий йилнинг 8-24 август кунлари Арманистонда ўтказилган Халқаро шахмат федерацияси — ФИДЕ Гран-присининг бешинчи босқичида қатнашди.

ЁШ КУРАШЧИЛАРИМИЗ МУВАФФАҚИЯТИ

Ҳиндистоннинг Деҳли шаҳрида ўсмирлар ўртасида эркин ва юнон-рум кураши бўйича ташкил этилган Осиё чемпионати Ўзбекистонда юқори салоҳиятга эга бўлган умидли спортчилар вояга етаётганини кўрсатди.

Юнон-рум кураши бўйича ўтказилган мусобақада тўртта олтин, иккита кумуш ва битта бронза, жами етти та медалга сазовор бўлган Ўзбекистон терма жамоаси умумжамоа ҳисобида иккинчи ўринни эгаллади.



Фойдали маслаҳатлар

ТЎҒРИ ҲАРАКАТ ҚИЛИШ КЕРАК

Киши ҳаётида қутилмаганда азиятли дамлар бўлиб туради. Тасодифан яхши ёки хунук хабар, қўрқиб кетиш, ниҳоятда ҳаяжонланиш, иссиқлик ёхуд офтоб уриши, аъзон раисалар бўлиши буйрак, жигарнинг кучли оғриғи каби ҳодисалар кишини ҳушидан кетказиши мумкин.

ниа давом этиши мумкин. Беморнинг юрак-томир тизимида жиддий нуқсонлар бўлмаса, ҳуш кетиши тезда ўтиб кетади. Бундай ҳолатда биринчи навбатда беморга тоза ҳаво зарур бўлади: дераза ва дарчалар очилади, елпинида, беморнинг ёқалари бўшатилди, беморнинг боши танасидан паст қилиб ётқизилади, оёқлари юқорироқ қилинади. Шунда қон беморнинг бош қисмига оқади. Мазкур амал ўта зарур, чунки одамнинг ҳушидан кетиши

тўсатдан бошдан қон пастга кетиши билан содир бўлади (мияда қон етишмайди).

Бемор ҳушидан кетганида новшадил спирти пахта пилигига шимдирилиб, бемор бурни остига келтирилади. Совуқ сувли бужтирма беморнинг юзи ва кўкрагига қўйилади, совуқ сувни пурқаш ҳам мумкин. Беморнинг оёғига иссиқ сувли грелка қўйилади ёки чўтир сочиқ билан ишқаланади. Асло совуқ нарса бошга қўйилмайди, бе-

морга дори ва сув берилмайди, чунки ҳушидан кетган одам ютиш қобилиятини йўқотади. Хавфли томони шундаки, ичирилаётган суюқлик ёки дори беморнинг қизил ўнгида ҳамда ўпка нафас йўлига тушиши мумкин. Бемор ўзига келгач, иссиқ чой ёки қаҳва ичирилади.

Ҳар қандай ҳолдаги ҳушидан кетишда шифокорга мурожаат қилинмоғи даркор.

Маннон НАБИЕВ



МАШРИҚЗАМИН — ҲИКМАТ БЎСТОНИ

ҲИКМАТЛАР

МЕЪЁР — ҲАЁТ ТАЯНЧИ

Бир ҳақим бундай деган экан:

— Меъёр — табиатнинг иттифоқдоши, соғлиқнинг кўриқчиси. Шунинг учун ичганингизда ҳам, еганингизда ҳам, ҳаракат қилганингизда ҳам, ҳатто ошиқ бўлганингизда ҳам меъёридан ошманг!

ФАЙЛАСУФ ФИКРИ

Бир файласуф шундай дебди:

— Кайфу сафо тўрт хил: бир лаҳзалик, кун бўйи давом этадиган, бир ойга чўзиладиган, бир умрга етадиган бўлади.

Муҳаббат туйғусидан вужудга келган кайфу сафо бир лаҳзалик бўлади. Ўғил туғилганда киши то боланинг вақ-вақи жонига теккунча — кун бўйи хурсанд бўлиб юради, янги уйланган келин-куёв ҳомиладор бўлгунга қадар кайфу сафо қилиб юради. Катта давлат умр бўйи давру даврон суришга имконият беради.

ҲАҚИҚИЙ САХИЙЛИК

Бир файласуфдан:

— Ҳақиқий сахийлик нимадан иборат? — деб сўрабдилар.
— Оғир кунда лутфу марҳамат қўлини чўзишдан иборат, — дебди.

ДАҲШАТ ВА ҚЎРҚУВ

Бир донишманддан:

— Дахшатнинг қўрқувдан нима фарқи бор? — деб сўрабдилар.
— Дахшат номақбул бирор нарсага ҳавас пайдо бўлганда содир бўлса, қўрқув ўша ниёт амалга ошганда содир бўлади, — деб жавоб берибди.

ПЕШЛАНГАН АҚЛ

Бир донишманддан:

— Ақлнинг қай даражада пешланиши? — деб сўрасалар, у:
— Шу даражада пешладимки, энди ҳеч кимга ишонмайман, — деб жавоб берибди.

МУРОСА — МАРҲАМАТ МЕВАСИ

Бир донишманддан сўрабдилар:

— Сенинг лутфу марҳаматингни чек-чегараси борми?
— Одамлардан қанчайин дарғазаб бўлмайин, кўнглимнинг бир четиди ҳаммиша муроасага ўрин қолдираман, — дебди.

ИСТЕЪДОД ҚОНДАН ЎТМАЙДИ

Бир ҳақимнинг ўқиш-ўрганишга сира уқуви йўқ бир ўғли бор экан.

Хотини эрига:

— Нега бунақа экан-а? Сендек олим, фозил одамдан туғилган бола қип-қизил аҳмоқ бўлади? — деса, эри шундай дебди:
— Истеъдод ирсий бўлмайди, унинг жони меники эмас, ўзиникидир!

Эргаш ОЧИЛОВ тайёрлади

Ҳурматли тадбиркорлар!

Тошкент шаҳар ҳудудида фаолият юритаётган тадбиркорлик субъектларининг ҳуқуқлари, қонуний манфаатларини ҳимоя қилиш, ноқонуний текширишларнинг олдини олиш мақсадида «Ишонч телефон»лари ташкил қилинган:

269-14-45, 262-92-42

Тошкент шаҳар Адлия бошқармаси



Бош муҳаррир
Акмал АҚРОМОВ

Манзилимиз: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:

Эълонлар: 233-28-95,
236-57-65. Факс: (371) 232-11-39.

Душанба, сешанба, чоршанба, пайшанба
ва жума кунлари чиқади.

Нашр кўрсаткичи — 563

ISSN 2010-9229

Газета Тошкент шаҳар

Матбуот ва ахборот
бошқармасида 02-1-рақам
билан рўйхатта олинган.

Ҳажми — 2 босма табоқ,
офсет усулида босилади.
2862 нусхада босилади.
Қозғоз бичими А-2

Нашри етказиб бериш масалалари бўйича турар жойлардаги почта бўлимларига ёки «Тошкент почта»га — 233-74-05 телефонига мурожаат қилишингиз мумкин.

Газета «Тошкент оқшомининг» компьютер

марказида терилди ва саҳифаланди.
«Шарк» нашриёт-матбаа акциядорлик компанияси
босмахонаси. Корхона манзили: «Буёқ Турон» кўчаси, 41-уй.

12 45